



Pou Piblikasyon Imedya: 22/06/2022

GOUVÈNÈ KATHY HOCHUL

## **GOUVÈNÈ HOCHUL ANONSE MTA AK DEFANSÈ AKSESIBILITE YO DAKÒ SOU PLAN ISTORIK POU ELAJI AKSESIBILITE NAN SISTÈM METWO VIL NEW YORK LA**

***Akò règleman sou aksyon kolektif laafime angajman MTA pou fè 95 pousan nan estasyon metwo yo ki aktyèlman pa aksesib vin aksesib***

***Pwogram kapital MTA 2020-2024 la gen ladan yon envestisman istorik 5.2 milya dola nan amelyorasyon aksesibilite yo.***

Gouvènè Kathy Hochul anonse jodi a ke Otorite Transpò Metropoliten (Metropolitan Transportation Authority, MTA) an ak defansè aksesibilite yo te jwenn yon akò règleman sou aksyon kolektif ki afime angajman MTA pou aksesibilite nan sistèm metwo a. Akò a pral rezoud de pwosè aksyon kolektif (*Center for Independence of the Disabled, New York, et al. v. Metropolitan Transportation Authority, et al.* No. 153765/2017 (N.Y. Sup. Ct. N.Y. Co.) ak *De La Rosa et al v. Metropolitan Transportation Authority et al.* No. 19-cv-04406 (ER) (S.D.N.Y.)), epi li sijè a apwobasyon tribinal la, yon peryòd avi kote manm klas yo ap gen opòtinite pou fè kòmantè, ak yon odyans san patipri. Dapre kondisyon akò a, MTA pral ajoute asansè oswa rannp pou kreye yon santye san eskalye nan 95 pousan estasyon metwo ki aktyèlman pa aksesib yo jiska 2055.

"Okenn Nouyòkè pa ta dwe oblige gen pou enkyete yo pou konnen si yo kapab oswa pa kapab aksede ak transpò publik san danje", **Gouvènè Hochul te deklare.** "Akò sa a ant MTA ak defansè aksesibilite yo se yon etap enpòtan nan direksyon pou plis elaji aksesibilite nan metwo nou yo epi sèvi bezwen Nouyòkè ki gen andikap yo. Administrasyon mwen an pral kontinye asire Eta New York rete aksesib pou tout moun".

Akò yo anonse a baze sou misyon kontinyèl Otorite a pou amelyore aksesibilite nan tout sistèm metwo an nan yon vitès akselere. MTA te konplete pwojè aksesibilite yo nan 15 estasyon metwo atravè kat minisipalite depi 2020, tout sa pandan Otorite a t ap fè fas ak yon kriz finansye terib ke pandemi COVID-19 la te lakòz. MTA te bay kontra pou yon lòt 22 estasyon epi li gen yon lòt 13 estasyon pwojè ki nan faz akizisyon.

**Prezidan ak Direktè Egzekitif Jeneral MTA, Janno Lieber, te deklare**, "Menm pandan kriz finansye terib pandemi an te lakòz, MTA te bay priyорite ak aksesibilite, sa ki te mennen nan fini 15 pwojè sou aksesiblite yo. Pral gen 81 lòt pwojè ankou rive nan fen plan kapital 2020-2024 la, ki gen ladan yon 5.2 milya dola istorik ki dedye pou amelyorasyon aksesibilite yo. Angajman sa yo, ansanm ak dekoupaj zòn ki fèk adopte ki ankouraje devlopè prive yo enkòpore pwojè aksesibilite estasyon yo nan biling yo, pral ede nou reyalize yon sistèm transpò publik ki konplètman aksesib pi vit pase jan nou te janm imajine sa".

**Direktè Aksesibilite ak Konseye Prensipal MTA, Quemuel Arroyo, te deklare**, "Sa a se yon moman enpòtan pou aksè nan sistèm transpò publik Vil New York la. Pandan twò lontan, MTA ak defansè aksesiblite yo te parèt an dezakò sou yon objektif ke nou pataje an reyalite, fè sistèm transpò publik la konplètman aksesib. Règleman sa a pa sèlman ap devwale yon plan aksyon, men se kòmansman yon kolaborasyon pi sere ant MTA ak defansè yo pou reyalize objektif pataje nou, pou asire ke tout moun gen kapasite pou yo pran transpò publik san yo pa bezwen planifye alantou estasyon aksesib yo".

**Joe Rappaport, Direktè Egzekitif Sant Brooklyn pou Endepandans Andikape yo, te deklare**, "Alelouya! Kèk bon nouvèl finalman! Akò ekstraòdinè sa a asire ke okenn moun p ap eskli nan wout ki pi rapid ak pi bon pou deplase nan vil la. Pou BCID, tankou lòt pleyan ak avoka nou yo, se aboutisman plizyè ane pledwaye, anndan ak deyò sal odyans lan. Nou fyè anpil dèské nou menm ak MTA te rive nan jou sa".

**Doktè Sharon McLennon-Wier, Ph.D., CRC, LMHC, Direktè Egzekitif Sant pou Endepandans Andikape yo, New York, te deklare**, "Se yon plezi pou mwen antanke defansè aksesiblite, apre plizyè deseni defans ak travay di pati konsène ki gen rapò ak andikap, pou selebre angajman sou aksè pou tout moun ki itilize sistèm metwo vil New York la ke MTA ap jere. Tout moun k ap viv, travay, oswa ki vizite Vil New York ak eta fòmidab nou an pral benefisyé pwomès aksè inivèsèl ke travay nou avèk MTA sou akò règleman sa a pral pèmèt kominote nou an genyen. Sa te pran yon apwòch kolaboratif ak devouman anpil defansè andikap ki te anvizaje yon vil ki pi aksesib pou tout Nouyòkè yo".

Kòm yon pati nan akò ki te konkli ak defansè aksesiblite yo, MTA te angaje, sijè a ekstansyon nan tan ki baze sou limit angajman finansman ak lòt enprevi, pou jwenn kontra pou rann 81 estasyon aksesib jiska 2025, yon lòt 85 estasyon jiska 2035, yon lòt 90 estasyon jiska 2045, ak dènye 90 estasyon yo jiska 2055.

MTA gen 472 estasyon metwo epi sa gen ladan 21 estasyon Staten Island Railway (SIR), gen 493 estasyon nan sistèm transpò publik la. Pami sa yo, 131 konplètman aksesib pou kliyan ki gen andikap, atravè asansè ak ranp, sa gen ladan senk estasyon Staten Island Railway. Genyen plis pase yon milyon moun ki gen yon andikap k ap viv nan Vil New York, plis pase 1.5 milyon moun ki gen plis pase 65 ane, ak apeprè 250,000 timoun ki pokò gen de ane ki gen fanmi yo ki bezwen navige Vil New York avèk pousèt.

**Prezidan Transpò Piblik Vil New York Ia, Richard Davey, te deklare**, "Plizyè milyon Nouyòkè konte sou estasyon aksesib pou yo rive nan destinasyon yo chak jou, epi kounye a gen pou vwayaje pi lwen ak pou plis tan pou ale nan yon estasyon aksesib. Se travay nou pou fè sa a tounen yon bagay nan tan pase, bay tout pasaje yo yon vwayaj san pwoblèm nan mezi posib nan kontinye ogmante kantite estasyon aksesib nan sistèm metwo a".

**Brett Eisenberg, Direktè Egzekitif Sèvis pou Viv Endepandan Bronx Ian, te deklare**, "Jodi a se yon jou istorik pou moun ki gen andikap yo. Jenerasyon k ap vini yo pral kapab kounye a di ke nou gen yon sistèm metwo ki aksesib nèt. Nou tout pral kapab ale nenpòt kote nan senk minisipalite yo sa ki pèmèt nou patisipe nan tout sa Vil New York gen pou ofri. BILS rekonesan anvè tout lòt pleyan nan dosye a ansanm ak avoka nou yo nan DRA ak Sheppard Mullin. Nou remèsyé MTA dèské li rekonèt enpòtans yon sistèm metwo ki aksesib nèt. Nou pa ka tann pou wè aplikasyon akò sa a pou rann sistèm metwo a aksesib pi vit posib".

**Christina Curry, Direktè Egzekitif Sant pou Viv Endepandan Harlem nan, te deklare**, "Sant pou Viv Endepandan Harlem (Harlem Independent Living Center, HILC) nan kontan ak eksite pou li fè pati reyalizasyon istorik sa a konsènan MTA a epi ap ede nan fè sistèm transpò metwo a aksesib pou kominate andikape yo ak pou tout moun an jeneral".

**Jean Ryan nan Disabled In Action New York, te deklare**, "Disabled In Action te goumen pou elimine obstak ki genyen nan egalite total pou moun ki gen andikap pandan plis pase 50 ane epi li fyè pou li fè sa isit la nan non tout Nouyòkè yo. Tout manm nou yo bezwen asansè nan metwo yo epi nou bezwen asansè nan tout estasyon yo. Asansè se pou tout moun".

**Maria Alvarez, Direktè Egzekitif StateWide, te deklare**, "Aksesibilite nan transpò se youn nan pwoblèm ki pi enpòtan pou kominate a, lidè ak moun ki gen andikape yo nan Vil New York. Lè nou konsidere ke nan 4 ane apeprè 25% popilasyon Vil New York la pral gen 65 ane ak plis, amelyorasyon sa yo nan metwo yo pa ta ka fè pi bonè. Nou dwe kontinye batay pou nou gen yon Vil New York ki adapte pou moun aje ki pral rann li se yon vil ki pwopis pou konfò ak fasilité pou tout moun".

**Sasha Blair-Goldensohn, ki itilize yon chèz woulant te deklare**, "Règleman sa chita sou yon deseni travay yon bann defansè, aktivis ak alye sou dwa moun andikape. Moun tankou [Gwoup Aksyon pou Asansè Leve ak Reziste](#), ki rasanble nan chak odyans, depi nan etap tribinal yo rive nan reyinyon konsèy MTA yo -- nou te fè ladiferans. Nou rekonesan, enb epi pa ka tann pou nou vwayaje ansanm".

Estasyon anba yo jwenn finansman pou amelyorasyon nan kad plan kapital aktyèl la:

- o 8 Av (N)
- o Tremont Av (B, D)
- o 149 St-Grand Concourse (2, 4, 5)

- o 6 Av (L)
- o 14 St (F, M, 1, 2, 3)
- o Woodhaven Blvd (M, R)
- o Westchester Sq-East Tremont Av (6)
- o Queensboro Plaza (N, W, 7)
- o Court Sq (G)
- o 68 St-Hunter College (6)
- o Bay Ridge-95 St (R)
- o Grand St (L)
- o Beach 67 St (A)
- o 7 Av (F, G)
- o Dyckman St (1)
- o E 149 St (6)
- o New Dorp (SIR)
- o Lorimer St (L)
- o Metropolitan Av (G)
- o 181 St (A)
- o Church Av (B, Q)
- o Sheepshead Bay (B, Q)
- o Rockaway Blvd (A)
- o Kings Hwy (N)
- o Woodhaven Blvd (J, Z)
- o Steinway St (M, R)
- o Junius St (3)
- o Mosholu Pkwy (4)
- o Northern Blvd (M, R)
- o 137 St-City College (1)
- o Parkchester (6)
- o Borough Hall (4, 5)
- o Broadway Junction (A, C, L, J, Z)
- o Broadway (N, W)
- o 36 St (D, N, R)
- o 18 Av (D)
- o Kings Hwy (F)
- o Norwood Av (J, Z)
- o Myrtle Av (J, M, Z)
- o Jefferson St (L)
- o 96 St (B, C)
- o 81 St-Museum of Natural History (B, C)
- o Hoyt-Schermerhorn (A, C, G)
- o Nostrand Av (A, C)
- o 167 St (B, D)
- o Avenue I (F)
- o Neptune Av (F)
- o Parsons Blvd (F)
- o Briarwood (E, F)

- o 7 Av (B, D, E)
- o Classon Av (G)
- o Van Cortlandt Park-242 St (1)
- o New Lots Av (3)
- o Brook Av (6)
- o 3 Av-138 St (6)
- o Kingsbridge Rd (4)
- o Burnside Av (4)
- o 110 St (6)
- o 86 St (4, 5, 6)
- o Wakefield-241 St (2)
- o Harlem-148 St (3)
- o 46 St-Bliss St (7)
- o 33 St-Rawson St (7)
- o Clifton (SIR)
- o Huguenot (SIR)
- o 168 St (1)
- o Court Sq-23 St (E, M)
- o 42 St-Bryant Pk (B, D, F, M)
- o 5 Av (7)
- o Lexington Av/59 St (N, R, W)
- o 59 St (4, 5, 6)
- o Delancey St-Essex St (F, J, M, Z)

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)